



Pou Piblikasyon Imedya: 07/04/2023

GOUVÈNÈ KATHY HOCHUL

GOUVÈNÈ HOCHUL ANONSE GEN 13 MILYON DOLA KI DISPONIB POU ELAJI SÈVIS ENTÈVANSYON KONT KRIZ ADOMISIL POU TIMOUN YO AK POU JENÈS

Ekip yon vize pou ede timoun ak jèn ki vilnerab yo ki rete ak fanmi yo pandan tretman pou sante mantal; èd nan pwosesis rekiperasyon an

Finansman pral tabli premye ekip ki devwe pou sèvi timoun ki gen andikap devlopmantal ak maladi mantal yo

Gouvènè Kathy Hochul te anonse jodi a disponiblite plis pase 13 milyon dola nan finansman eta a pou elaji aksè ak ekip [Entèvansyon kont Kriz Adomisil](#) atravè Eta New York. Jere pa Biwo Sante Mantal (Office of Mental Health, OMH) eta a, finansman sa a pral ede kreye 13 novo ekip ak elaji 26 ekip ki deja egziste, sa ki pèmèt yo bay sèvis sante mantal enpòtan pou timoun ak jèn ki gen risk yo ka evite ospitalizasyon sikuatrik.

"Anviwònman lopital yo ka penib pou nenpòt moun, epi ankò mwens pou yon timoun oswa jèn moun k ap goumen ak yon pwoblèm sante mantal", **Gouvènè Hochul te deklare.** "Ekip Entèvansyon kont Kriz Adomisil yo bay moun sa yo swen sante mantal enpòtan anpil nan yon anviwonman yo abitye ak pou yo ka evite twomatiz emosyonèl ki souvan asosye ak lopital yo. Elaji ekip sa yo nan tout eta a pral pèmèt plis fanmi resevwa swen sa a lakay yo epi ede diminye bezwen pou entène lopital."

Biwo Sante Mantal la pral bay 6.2 milyon dola pou kreye [11 novo ekip](#) pou sèvi timoun ak jèn yo ki gen laj 5 ak 21 ane, ki gen risk iminan pou ospitalizasyon sikuatrik Ajans la te fè patenarya tou ak Biwo pou Moun Ki Gen Andikap Devlòpmantal (Office for People with Developmental Disabilities, OPWDD ak Konsèy Planifikasyon pou Andikap Devlopmental (Developmental Disabilities Planning Council) la nan kad yon efò pou tabli [de ekip](#) ki pral sèvi sèlman pou timoun oswa jèn ki resevwa doub dyagnostik pou alafwa yon andikap devlopmantal ak maladi mantal.

OMH ap bay tou 7.3 milyon dola pou elaji ekip ki egziste deja k ap sèvi timoun nan kriz. Gen 26 ekip nan tout eta a, ki ede apeprè 2,600 timoun.

Komisè Biwo Sante Mantal la, Doktè Ann Sullivan, te deklare, "Entèvansyon kont kriz adomisil la pèmèt nou bay jèn ki fè fas ak pwoblèm sante mantal grav èd yo bezwen, nan pwòp kay yo, ak fanmi pa yo ak moun k ap bay swen yo. Sa a trè enpòtan

nan pwosesis rekiperasyon an, ki pèmèt timoun yo ak fanmi yo pwospere nan kominote pa yo. Ekip Entèvansyon kont Kriz Adomisil yo trè efikas, epi agrandisman sa a pral ede nou sèvi plis jèn ak plis fanmi."

Komisè Biwo pou Moun Ki Gen Andikap Devlòpman an, Kerri E. Neifeld, te deklare, "Sipòte timoun ki gen andikap devlòpmantal yo pou yo viv lakay yo ak fanmi yo nan kominote yo se yon priyorite pou OPWDD. Asire aksè ak sèvis kriz yo se yon eleman kle nan sipò sa a epi se yon pati enpòtan nan plan estratejik sou senk ane OPWDD a. Mwen bat bravo pou Gouvènè Hochul paske li sipòte nou menm ak ajans sè nou yo pou satisfè bezwen sa a ki dire depi lontan epi mwen rekonesan anvè Biwo Sante Mantal la ak Konsèy Planifikasyon pou Andikap Developmantal la pou patenarya yo nan agrandisman enpòtan sèvis sa a ki pral benefisyé timoun yo ak fanmi yo."

Vicky Hiffa, Direktris Egzekitif Konsèy Planifikasyon pou Andikap Developmantal la, te deklare, "Aksè nan swen alè ke ekip espesyalize Entèvansyon kont Kriz Adomisil la pral trè enpòtan pou jèn ki nan kriz yo pou evite plasman andeyò kay yo. Konsèy Planifikasyon pou Andikap Developmantal la fyè pou l sipòte kreyasyon de ekip Entèvansyon kont Kriz Adomisil, ki pral bay jèn ki gen andikap devlòpmantal yo ak fanmi yo zouti ki nesesè pou reponn ak yon kriz sante mantal grav pandan y ap kapab rete lakay yo."

Bidjè Egzekitif Ane Fiskal 2024 Gouvènè Hochul la pwopoze ogmantasyon enpòtan pou sante mantal timoun yo, ki gen ladan 5 milyon dola nan finansman adisyonèl pou ekip Entèvansyon kont Kriz Adomisil; 20 milyon pou elaji sèvis sante mantal nan lekòl yo nan ogmante pou santaj peman Medicaid yo pou klinik satelit ki baze nan lekòl yo; yon envestisman 10 milyon dola pou elaji sèvis konplè nan lekòl yo, ki gen ladan yon envestisman anyèl pou bay finansman demaraj ki nesesè pou fè nouvo sèvis lekòl elaji yo fonksyone byen vit; ak 10 milyon dola sibvansyon pou pwogram prevansyon kont swisid ki vize jèn ki gen gwo risk yo. Lè yo adopte li, envestisman sa yo pral amelyore sipò sante mantal pou timoun ak jèn yo atravè eta a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418